

欽定熱河志卷九十五

物產四

禽之屬

鶴 山莊內多畜之有松鶴清越及放鶴亭之勝

御製詩

鶴鹿 庚辰

鶴鹿雖異類胥足助山景鶴則賦之糧惟取聲露警鹿每挾矢尋苓野寧容騁材與不材間漆園語堪省

園鶴 辛巳

園鶴年年飽稻梁每因尋鹿試神鎗一般都是仙家畜無可欲惟爾所常

聞鶴鳴三首 癸未

放出籠中纔閱年塞山豈不讓青田因風吹送雲間響祇覺其音特

欽定熱河志

卷九十五 物產四

一

遼海叢書

自然

高飛雲表落巖城疑是山莊即玉京擬問昌黎夏然者是因何不得其平

原 是山莊原有鶴剪翎何必檻中留遂生性復芻糧省一舉端知兩得收

翥鶴三首 甲申

翥鶴翩翩掠過軒不低還復不高翥分明自適雲山樂亦自未忘梁稻恩

山城飛出又飛來大異籠中大快哉一舉吾因獲兩得何曾少卻羽仙陪

養成羽翼那長往祇覺山莊鳴夏然不是東坡游赤壁揖予宛遇皞衣仙

嘲鶴

鶴翼已長成翔翥皆由己朝騰山城外暮宿山城裏如此清涼境信足安汝止而何意忽遷竟自忘歸矣啄粟山田間夜遇守田子捕捉將來獻鶴顙愧有泚因憶昌黎言歆羨古之士或于周不可秦楚可之仕彼其熱中流尚識去無地叶咄哉青田姿胡乃昧此理

鶴三首 己酉

不教剪翮作羈縻誅蕩仙莊任所之伏卵成禽有佳報放鶴將子山莊益致佳趣

誰云羽類乏良知

飛去飛來記昨年將雛更不出墻邊風清月白一聲唳其意肫然亦灑然

澗實山葩勝稻梁天空林密任翱翔有時彳亍庭沙步印出雲章不可詳

歛鶴四首 丙戌

放去胎禽雪翼毵迴翔何不可招來王倪齧缺寧須道者箇佳賓己

欽定熱河志

卷九十五 物產四

二

遼海叢書

稱陪 去聲

來往瑤臺意自仙一聲清唳徹雲天漫言縻爵心猶在霞表相延屬偶然

有雪霜儀宜伴侶無烟火氣得清臞何當喚起唐伯虎爲我揮毫寫入圖唐寅有款鶴圖向入石渠寶笈上等

去亦不追來不拒空聽爲翥宇爲翔了知欲入新詩句豈是翻因戀稻梁

鶴二首 丁亥

飲啄何曾遠去颺翱翔原祇在山莊笑他剪翅牢籠者拂物性還費稻梁

嘹唳風清還月白徘徊水裔更山椒有時樂意翩然舞曲盡形容繪鮑昭

鶴 戊子

鶴不剪雙翅亦不遠飛揚深林大壑中瀟灑恣翱翔溪毛與澗實飽
啄勝稻梁今則卯孚罷率子繞野塘其馴弗待教其喜殊異常乃悟
順物性知良能自良

鶴癸巳

放翅聽飛去愛山仍復還

山莊有放鶴亭並有詩

那期稻梁報常伴渚洲間唳

月聲非怨梳風意自閒使無清介格亦豈異乎鷗

鶴

昔時放鶴深山峭一罷鶴糧與鶴料且免刀剪更籠囚大壑茂林從
所樂後來復有貢鶴人賦糧給料仍因循云不如此鶴將去其實竊
饋從中分養鶴則喜放鶴苦鶴雖知饑不能語廐有肥馬孟子言謂
彼時人心尚古

孟子云以意逆志是爲得之即如廐有肥馬之言亦戒厚斂于民
以養禽獸而已余作鶴詩謂彼時人心尚古者則指廐人不竊馬

欽定熱河志

卷九十五物產四

三

遼海叢書

之饋以肥己如今之養鶴者耳然如孟子所云狗彘食人食而不
知檢塗有餓莩而不知發其意當以有餓莩而不知發爲重若夫
狗尚或食肉彘之所食則糠粃及糞豈人所食哉且今之鷹狗監
無不予以月銀俾貰敗肉飼鷹狗而分其料使鷹狗餓斃如養鶴
者有之矣使放鷹犬減其料必有竊歎如養鶴者然且即減此瑣
碎細費其所濟亦幾何固不如使天下有司明知不諱災必受賑
之爲救民無窮也吁讀書者明理達政而不爲章句所誤者其亦
鮮矣因用孟子語故推類而言之

鷓鴣 山莊湖中多有之爾雅注曰鷓鴣曲如鈎食魚宋陸佃埤雅
曰鷓鴣水鳥似鴝而黑本草謂一名水老鴝

御製詩

鷓鴣丁亥

鷓鴣食魚鳥又弗中釜鬻鬚頭曲似鈎伺鱗沙水潯人以其無用亦

弗矰繳侵因惡全其生審非愛物襟持銃偶即鹿葦叢見隱深可以
試神器一發馥成禽鹿大鷓鴣小艱中去聲 譬尺尋古人示其理飛衛
貫蝨心

雁 來賓較關內爲早古稱雁磧雁塞雁本朔漠所產今關外秋風
初厲嘹唳滿空千百爲羣

御製詩

秋夜聞雁 辛酉

龍堆月白雁聲寒 羶屋清宵玉漏殘 憶昨題詩坐松樹 深秋見爾落
沙灘 早乘霜露傳邊信 夜渡星河避彈丸 此日賢王爭扈從 不須書
寄漢庭看

雁 癸亥

去歲畿南人送雁 今年塞北雁迎人 因知此地寒常早 卻比他秋景
倍新 唳月有情驚客枕 衝烟無意戀霜津 衡陽故國三千里 底事勞

欽定熱河志

卷九十五 物產四

四

遼海叢書

勞來往頻

射雁

彎弓射雁行 雁落弓猶滿 無能笑虞人 底事高張罕

聞雁 丁卯

暖氣泛楚江 肅肅雁北鄉 北人謂之來 南人謂之往 叶 塞垣寒氣早
雁赴衡陽 期北人謂之往 南人謂之來 叶 乃知往來無定論 隨陽豈
解分主賓 霜後嘹唳數聲度 又是一番詩意新

聞雁 己巳

旃廬清夜分 候雁數聲聞 霜落纔傳信 塞上早霜故云 沙平淺印文 早來應

挈子 春時雁北去至極涼處換羽育雛至秋攜之以南 可羨未離羣 木葉洞庭下 何須怨楚

雲

聞雁 庚辰

不寐夜如何 秋鴻送響多 昨驚霜乍落 今聽雨中過 沙漠夏樓止 瀟

湘冬寢訛順時奚揀擇踵事有吟哦

鷹 爾雅翼曰在北爲鷹在南爲鷂一云大爲鷹小爲鷂考爾雅以鷹爲鷂鳩又有鷂負雀注云鷂也是鷹與鷂本爲二種本草曰鷹出遼海者上北地者次之唐段成式酉陽雜俎記諸鷹出處有曰漠北白者身長且大細斑短脰生沙漠之北曰東道白者腹背俱白生盧龍和龍以北元一統志謂松州每歲貢納鷹鷂又建州土產皂鷹細鷹賊兒所謂賊兒者廣韻謂賊似鷹而小能捕雀蓋亦鷹類也今塞外山中多有之

御製詩

鷹 癸亥

白露爲霜秋氣冷蒼鷹祭鳥雙眸炯錦韞玉絡忽在臂迴思故處失林嶺饑飽由人不由己目窮碧落常懷騁鷹師養鷹識鷹性惟以飲食司其柄不使過飽力有餘籊雲一去無迴影過饑復難任擊搏追

欽定熱河志

卷九十五 物產四

五

遼海叢書

逐雉兔弗驚猛發蹤指使固如是爲叢毆爵尤堪省

飼鷹 乙酉

飼鷹良有法饑飽貴得宜飽則遠揚去饑則力難支今之飼鷹人弗令飽令饑固無愁逸颺在臂翼已垂縱之使撮雉神忒艱迅飛猛氣徒懷嗟雄技安能施以是爲得計孰勿可鷹師如臯非所論但幸隼在羈食不盡其材所以昌黎悲

雉 本草曰雉雄者文彩而尾長雌者文暗而尾短爾雅釋雉有四種今土人但呼尾長者爲雉雞尾短者爲野雞塞外凡山谷間處處有之

御製詩

放雉行 丁亥

大蒐之便亦設羅有雉罹焉獲實多籠收車載率生致淹寒重試饗則那山莊林泉清且美取諸于彼放諸此開籠飛去任所之悠然遊

若縱壑鯉憑觀自欣縱自笑瀕死倖生雉豈料煦嫗爲仁詎所期愛物應須識其要

鷓 詩義疏曰黃鳥鷓鷃也或謂黃栗留幽州謂之黃鶯今無黃鶯之名土人但呼曰黃鷓爾雅釋鳥中凡四見曰皇黃鳥註云俗呼黃離留亦名搏黎又曰倉庚商庚註云即鷺黃也又曰鷺黃楚雀註云即倉庚也又曰倉庚鷺黃也註云其色鰲黑而黃因名皆指是鳥也

御製詩

黃鷓

癸未

候較清和一月遲山中今日囀黃鷓此聲太古自如此寧待戴顓來聽之

雀 本草曰雀短尾小鳥也故字從小從佳佳音雉短尾也棲宿簷瓦之間故曰瓦雀俗呼老而斑者爲麻雀小而黃口者爲黃雀

御製詩

欽定熱河志

卷九十五

物產四

六

遼海叢書

瓦雀

甲申

瓦雀信何謂其性依屋居有屋處有雀無屋雀亦無萬物具性靈易簡成中孚夢醒尙味爽啼啁窗前呼始悞宿行宮曉景非羶廬

寒雀

乙酉

寒雀身雖寒不離庭院間決起偶出牆率場啄粟還啁啾頗自得誰知紆那干

野鴨 說文曰鷺野鳧也尸子曰野鴨爲鳧家鴨爲鷺陸璣詩疏謂鳧狀如鴨而小雜白青色肥而耐寒今塞外水泊中多有之

御製詩

野鴨

乙酉

野鴨亦鳧類塞灘聊且止忽罹虞人羅淹寒佐庖旨雲鶴不入烹飛宿自由己

火雞

亦雉類宋陸佃埤雅曰鷓似雉而大黑黃色本草謂青黑色

者名鳩今塞外山中所產火雞黑身白尾紅冠赤足蓋即鷓鴣之屬
御製詩

火雞 庚辰

火雞特異雉足觀不足食修尾拖紳白通身染黛黑昂藏亦頭角璘
璠亦羽翼于野昧三嗅言家乏五德吐火幻詎眞破敵術非直無須
羅網施已見雌雄得宣付上林官飼養俾孳息

雕 埤雅曰雕似鷹而大黑色俗呼皂雕本草曰皂雕即鷲也出北
地青雕出遼東

鷓 說文但以鷓爲鷲鳥陸璣詩疏以隼爲鷓埤雅曰鷹之搏噬不
能無失獨隼爲有準

鷓 廣韻曰鷓鷹屬埤雅曰鷓拳大如彈丸俯擊鳩鴿食之元一統
志曰建州土產鷓

鷓 陸璣詩疏曰鷓似鴻而大樹上作巢大如車輪本草曰似鷓而

欽定熱河志

卷九十五 物產四

七

遼海叢書

巢樹者爲白鷓黑色曲頸者爲烏鷓

燕 羅莘路史注引張采使遼錄曰中京牛山館北去羣燕飛翔大
如鳩鴿本草曰燕有兩種紫胸輕小者是樾燕有斑黑而聲大者是
胡燕今熱河諸處燕至秋後不復他去輒蟄入土堤沙磧中

按宋無張采使遼事當是張浮休使遼錄脫一休字又訛浮爲
采耳

烏 元周伯琦上京途中紀事詩曰烏雅大似鷹金史曰活羅漢語
慈烏也北方有之狀如大雞善啄物見牛馬橐駝脊間有瘡啄食之
若飢不得食雖砂石亦食之

鷓 其一種土人稱爲山喜鷓者狀似鷓而尾長如綬毛羽可觀
鳩 鳩類甚多左氏所謂睢鳩鷓鳩皆大鳥埤雅以鷓鳩爲布穀以
鷓鴣爲鳴鳩亦作鷓鴣以祝鳩爲鷓亦作鷓鴣今土人多呼爲斑鳩
本草曰斑鳩有有斑者有無斑者有灰色者有大者有小者其一種

喚雨者爲鶉鳩

鶉 居人畜之亦有野鶉本草曰名品雖多大要毛羽不過青白皂綠鶉斑數色

鶉 山谷草間多有之本草曰鶉與鶉兩物也形狀相似俱黑色無斑者爲鶉考爾雅釋鳥曰鶉鶉母注云鶉也又曰鶉鶉其雄鶉雌痺注云鶉屬又曰鶉子鴉鴉子鶉今土人但總稱爲鶉鶉灤平縣境內有鶉鶉溝以地多產鶉故名

白翎雀 元陶宗儀輟耕錄曰白翎雀生于烏桓朔漠之地雌雄和鳴自得其樂世皇因命伶人碩德閭製曲以名之元楊允孚灤京雜詠詩曰白翎隨馬叫晴空注云白翎草地所產是也

蒿雀 本草曰蒿雀似雀青黑色在蒿間塞外彌多食之美于諸雀山畫眉 善鳴與他處所產不甚殊獨以卵珍大僅如蓮子綠如松石亦有白色及斑褐文者土人鎔蠟實其中以爲簪珥之飾鬻於關

欽定熱河志

卷九十五 物產四

八

遼海叢書

內

沙雞 古名鷓鳩其色淡黃形如鴿爪有毛爾雅曰鷓鳩寇雉注云大如鴿似雌雉鼠脚無後趾歧尾爲鳥憨急羣飛出北方沙漠地亦名突厥雀唐書突厥傳鳴鷓羣飛入塞吏曰所謂突厥雀者是也本朝天聰七年八月鷓鳩羣集遼東國人皆曰遼東素無此鳥今蒙古之雀來必蒙古歸順之兆明年察哈爾額哲來降今豐寧縣等處多有之

啄木 異物志曰此鳥有大有小有褐有斑褐者是雌斑者是雄本草曰山中一種大如鵲青黑色頭上有紅毛者爲山啄木

御製詩

山鳥 乙酉

山鳥山棲不自藏啁啾簷角復墻匡分明似話秋光舊解語何須藉冶長

獸之屬

鹿 塞山產鹿最盛其角自兩叉四叉六叉至八叉年久則數至八叉以外蒙古謂鹿為布古今圍場中地及府屬州縣內之山多有稱布古圖者皆以有鹿處得名每歲行圍時獲鹿不可數計

山莊內孳息更蕃有馴鹿坡之勝

御製詩

尋鹿六韻 己卯

園內富麋鹿尋踪遵躡逵步行常十里手銃那雙施 不須再也 大澤

深山處習勞奮武為无虞自可耳同往且卑之所育戒多取 原係園物

亦不多傷物命也 圖餐豈藉斯繩

先具深義樂此不為疲

尋鹿 癸未

欽定熱河志

卷九十五 物產四

九

遼海叢書

麋毛毳且班秋氣爽孱顏挾矢堪尋麋乘標聊趁閒虞无還獲鹿朋得並逢山寧為肥鮮計心存溫故間

待鹿 丙戌

日之夕矣鹿下來命侶羣飲溪水隈山中行久識其性靜待如何招而徠斜陽漸下陰鋪地莎草如茵坐蒼翠一以延涼圖熱消一以暢觀取適意徐見麋麋躡蹊走小者在前大者後牝牡作隊各分朋異路居然彼亦有待之之意意如何物適其適皆太和重華尚矣詎能企愛觀或類羲之鵝

遲鹿 丁亥

遲 去聲待也 鹿乘餘暇徘徊亦可欣樹翻延爽籟山出護霜雲奎踞依林見呦伊隔嶂聞誰知思獲處詩意與平分

放鹿 戊子

或有獻鹿者檻中籠殼棘開檻命放之山谷恣遊逐無何持銃出林

中尋踈伏牛羊何擇焉況是同爲鹿仁術在擴充夔然增忸怩

鹿癸巳

靈囿無不有伊尼梵語謂鹿特物焉革希領子出角解異羣踈鹿自五月解角後牝

牡即別羣而處未是供庖候因非挾矢前忘幾近左右寧獨海鷗然

山鹿壬寅

山鹿似海鷗傍人咫尺遊秋肥學虞即遠見便林投

按圍場內畜產孳息名類繁夥每年木蘭秋獮時

上親御諸武具殪獲甚多

御製有前後哨鹿賦及哨鹿獲麇殪虎射熊諸詩皆敬編入圍場卷

中茲不複列

麇形似麇角似鹿而短僅一兩義塞山多有之每歲于圍場中所獲甚衆蒙古謂麇爲朱爾今圍場中地及府屬境內之山多有稱朱爾圖者皆以有麇處得名其白色者尤珍

欽定熱河志

卷九十五物產四

十

遼海叢書

御製詩

瑞麇詩六韻辛未

辛未秋獮塞上蒙古台吉必力滾達賴以此來獻色純白如雪目睛如丹砂抱朴子稱鹿壽千歲滿五百歲則色白此殆其類今年恭遇

聖母皇太后六旬萬壽適靈獸應時而至爰命曰瑞麇而紀以詩

質稟庚辛色躔珠應壽星

天心慶花甲德產祝

慈寧豈意牲牲屬偏成翬翬形乍辭鹿食野可比鳳儀廷性自仙人

馴讀如訓見史記圖成動物靈無須稽獸譜永此驗祥經

麋與鹿相似毛作梅花斑者爲麋考爾雅釋鹿曰牡麋牝麋其子麋絕有力麋釋麋曰牡麋牡麋其子麋絕有力狄蓋一類而二種也圍場內多鹿麇而少麋迤南始有之舊說以鹿角解于仲夏麋角解

于仲冬我

皇上考驗物候以解角仲冬者係塵而非麋特為更正月令之誤
馬 史記匈奴傳曰其畜多馬新唐書奚傳曰其馬善登五代史奚
附錄曰馬趨前蹄堅善走其登山逐獸上下如飛遼史曰契丹舊俗
其富以馬今豐寧縣之西即接上都達布遜諾爾牧場故馬最蕃息
其蒙古諸部皆習于畜牧每歲

行圍進宴時陳詐馬教駢之觀牧事之盛古所未有蒙古取其渾與
牛羊酪並資飲食而桐酒尤佳元許有壬上京十詠所謂馬酒者是
也

御製詩

閱馬 辛酉

上都 即元上都地 鹽海 答不遜腦兒即漢言鹽海也 地寬平芻牧年年龍種生此日材

官羣扈蹕當秋田馬並銜聲雲岡萬隊鋪霞錦露草千蹄踏玉英侍

欽定熱河志

卷九十五 物產四

十一

遼海叢書

從藩王咸眩目空懷少傳作歌情

閱馬 癸亥

肥壤挾川阿名駒恣寢訛魯詩空賦駟唐牧謾誇多比色猶鋪錦分
馳似捲波太平無戰伐憑眺意如何

橐駝 史記匈奴傳曰其奇畜則橐駝韋昭謂背肉似橐故云橐駝
漢書作橐駝師古謂能負橐囊而馱物也橐駝本塞外之產漢時中
土罕見故以為奇畜宋王曾行程錄曰深谷中時見畜牧牛馬橐駝
爾雅翼謂今云駱駝蓋音之轉今蒙古謂駝為承墨飼秣得宜最為
蕃息

御製詩

橐駝 癸酉

種繁鄯善多封牛食少任重其性柔畜中良產內地鮮謬稱馬狀羊
為頭塞程橐載無過此色有蒼白或黃紫而今市販亦知用鈴聲替

戾行連尾圖鳴嗜柳俗云駱駝嗜柳不肯前長繩穿鼻騎以牽征囊百

務一身具蹄胠背腫誰則憐鵝頸低昂過磧川圖展塞景胡環傳避

風跑泉語乃誕漢書西域傳謂燉煌往外國流沙千餘里無水有伏

熱風傷行旅風將至駝先以鼻口匿沙中人見之則少見多怪理實

然以羶擁蔽口面避其患嘗詢之青海諸部皆無其事

詠駝癸未

駝有懶乳者忽復厭其駒踈齧不肯哺弱難飼以芻耗耗待凍斃行

將棄諸塗惟彼特墨亦蒙古謂駝為特墨特墨赤牧駝者也識性計有餘胡笳奏其旁

哀腔嗚嗚感駝心生憐乳駒乃如初藁鹽旋長成致遠收良圖口

詢非耳聞此事信非誣嗚呼駝獨非獸乎凱風之母獸不如

青羊 宋王曾行程錄曰契丹多青羊格物論曰羊有青者南人所

罕見今塞上多有之善走屣屨間為山羊之一種

御製詩

欽定熱河志

卷九十五物產四

十二

遼海叢書

青羊庚辰

青羊善緣壁四蹄利如躡躑躅巘岷間虎狼不能躡一朝失所據生

捕被虞獵神忿豈跳踉喙息惟伏帖何必貪肥腩爰命育蹇茶誰辨

梓樹化謾擬成都接隨圍霍集斯驚觀笑鞮頰

飛狐 銳頭缺口耳小尾長毛深褐色肉翅連四足其前足三爪後

足五爪

聖祖御製康熙幾暇格物編四集

飛狐產於口外密樹林中形似狐肉翅連四足及尾能飛但能下而

不能上續博物志云飛狐亦名飛生今山陝有飛狐嶺飛狐口當時

必以物產得名而名勝志曰有狐食五粒松子遂成飛仙其說荒誕

皆因未知天下有所謂飛狐也

飛鼠 首及尾皆似鼠翅與飛狐同

聖祖御製康熙幾暇格物編四集

口外又有飛鼠與飛狐相類特頭尾似鼠形體小于狐荀子所謂鼯鼠五技而窮也

虎 元史稱松州知州布薩圖格舊作僕散禿哥今改正前後射虎以萬計以

是知口外產虎自昔爲衆今塞山多有之蒙古謂虎爲巴爾圍場地及府屬境內之山多有稱巴爾圖者皆以有虎處得名每歲遇

駐蹕山莊常

命虎鎗人殺虎至

行圍時

親御虎神鎗殪虎及射獲者爲數尤不可勝舉

豹 唐書地理志曰營州土貢豹尾今塞山多有之以金錢文者爲貴艾葉文者次之宋沈括夢溪筆談曰豹東胡呼失刺孫今舍利孫與豹本爲二類沈氏殆因舍利孫一名土豹而訛耳

熊 唐段成式酉陽雜俎曰猪熊其形似猪馬熊其形似馬今塞山

欽定熱河志

卷九十五 物產四

十三

遼海叢書

多有之小者爲狗熊其一種大者爲人熊本草謂即羆絕有力而不常見

狼 宋陸佃埤雅曰狼大如狗青色善逐獸今大塞山多有之蒙古謂狼爲綽諾府屬境內之山多有稱綽諾圖者皆以有狼處得名

麋 形似鹿而無角說文以麋爲麋崔豹古今注亦謂麋一名麋爾雅釋麋所謂牡麋牝麋其子麋絕有力豸者是也今塞山有之

麝 唐書地理志曰營州檀州俱土貢麝香五代史奚附錄曰奚常採北山麝香今塞山有之爾雅注所謂脚似麋有香者是也

野馬 後漢書鮮卑傳曰禽獸異于中國者有野馬考爾雅釋畜有野馬注云如馬而小出塞外又有駒駝注云狀如馬色青疏引字林

云北狄良馬也一日野馬是野馬即爲駒駝史記匈奴傳所謂奇畜則駒駝郭璞駒駝贊所謂駒駝野駝產自北域者是也又匈奴傳有

驪駝徐廣謂巨虛之屬索隱引說文云野馬屬考逸周書王會解曰

孤竹巨虛孔晁注云巨虛驢羸屬然塞外不產驢羸所謂驪驂與巨虛蓋皆野馬之類

野羸 崔豹古今注曰驢牡馬牝生羸考塞外無驢故無畜羸惟野羸則有之產沙磧中蒙古語謂耳爲齊克特野羸耳長故以名之驢 塞外向不產驢今迤南之地亦有之蒙古部落惟喀喇沁有驢以承平日久復與內地連界故有其種

按史記稱匈奴奇畜則驢羸又載單于與漢戰不利乘六羸馳去古之匈奴即今之蒙古也恭讀

御批通鑑輯覽單于乘六羸條及

御製野羸詩以驢父馬母而生羸驢非塞產故塞外無羸若野羸雖沙漠所有然野獸不可乘洵足以正前史相傳之謬

牛 史記匈奴傳曰其畜多牛明葉向高四裔考曰烏梁海產青牛黃牛明一統志於三衛土產下亦列青牛黃牛考明實錄載朶顏三衛求入關市牛者不一蓋其時多以剽掠爲業牧產不蕃也今則塞外多畜之耕犍乳特產類繁息蒙古資其漣酪用充飲食爲酥餅尤可行遠又金史地理志謂大定府產酥乳餅元一統志謂大寧路武平縣川州土產酥乳酪蓋塞外所製尤勝內地也

野牛 後漢書鮮卑傳曰有角端牛以角爲弓俗謂之角端弓史記司馬相如傳作角觶郭璞謂角觶似貊角在鼻上堪作弓李陵嘗以此弓十張遺蘇武旣云角可作弓自當爲常見之獸而又稱角在鼻上殊未可信至宋書符瑞志謂角端曰行萬八千里元史謂元太祖至東印度有一角獸形如鹿而馬尾其色綠作人言耶律楚材曰其名角端能四方語者此係神獸不常見後漢書鮮卑所產之角端乃野牛之類

羊 史記匈奴傳曰其畜多羊新唐書奚傳曰其羊黑五代史奚附錄曰地多黑羊宋洪皓松漠紀聞曰羊生達靺者大如驢尾巨而厚

類扇自脊至尾或重五觔或腎脂以爲假熊白唐楊煜膳夫經手錄曰羊之大者不過五十觔奚中所產者百餘觔元許有壬上京十詠有秋羊詩曰塞上寒風起庖人急尙供戎鹽春玉碎肥羴壓花重肉淨臙脂透膏凝琥珀濃年年神御殿頒餽每霑儂今塞外多畜之秋冬風戾其肉謂之風羊內地以爲珍味其乳亦與牛酪同用元楊允孚灤京雜詠詩所謂不須白粲備晨炊乳酪羊酥塞北奇者是也

山羊 塞山多有之鹿身細毛兩角盤背上有蹙紋後漢書鮮卑傳有原羊考爾雅釋獸曰羴如羊注云羴羊似吳羊而大角埤雅曰羴羊狀若騾而羣行暑天塵露在其角生草戴行代郡賦所謂羴羊養草以盤旋是也本草謂山羊有二種一種大角盤旋肉至百觔所謂盤羊者殆即羴羊也又一種毛作深黃色者爲黃羊亦係野產元許有壬上京十詠有黃羊詩曰草美秋先膾沙平夜不藏解條文豹健鬪炙宰夫忙元楊允孚灤京雜詠詩曰北陲異品是黃羊注云黃羊

北方所產者是也蒙古謂山羊爲伊瑪今圍場中地及府屬境內之山多有稱伊瑪圖者皆以有山羊處得名

野豬 塞山多有之宋王曾行程錄曰契丹多黃豕蓋亦野豕之類蒙古謂豬爲噶海今圍場中地及府屬境內之山多有稱噶海圖者皆以有野豬處得名

獾 塞外多有之爾雅謂之獾注曰豚也一名獾字林曰似豕而肥今土人呼爲豬獾其小者爲狗獾

獺 宋陸佃埤雅曰似狐而小青黑色是物本有山獺水獺二種今塞外所產者大抵皆山獺之類土人呼爲旱獺

田犬 善捕野獸塞外多畜之元周伯琦上京途中紀事詩所謂獵犬高於鹿者是也

兔 山谷間處處有之有褐及白黑數色蒙古謂兔爲洮賴府屬境內之山多有稱洮賴圖者皆以有兔處得名

狐 種類不一毛長而黃者曰草狐短而齧者曰沙狐並出蒙古其皮皆可以裘蒙古謂狐爲烏納格府屬境內之山多有稱烏納格圖者皆以有狐處得名

貂 與貂同爾雅翼謂貂本鼠屬故字亦作貂東觀漢記曰建武二十五年烏桓獻貂豹皮詣闕朝貢金史地理志曰大定府產貂鼠
罽 後漢書鮮卑傳曰有貂豹罽子皮毛柔蟬天下以爲名裘章懷太子注曰豹音女滑反罽音胡昆反貂罽並鼠屬豹猴屬也許慎說文解字曰罽鼠出丁零胡皮可作裘又曰豹鼠屬善旋陸德明經典釋文又稱狃一作豹考爾雅釋獸狃無前足注謂似狗豹文有角兩足疏引呂忱字林謂獸無前足似虎而黑者名狃則是異之名非可以爲裘者寇宗奭等本草衍義又以海狗當之然所云前脚似獸尾即魚身者亦與皮毛柔蟬之說不合考晉書稱夫餘國出善馬貂豹唐書稱黠戛斯服貴貂豹陳器藏本草稱骨豹獸出西方突厥國似

狐而大長尾綜核諸說似豹爲今之舍利孫而罽子蓋今灰鼠之類也至唐書地理志稱營州土貢骨罽一作骨而不詳其何物或疑其卽爲骨狃然唐書於黠戛斯傳既有貂豹而又稱其獸有野馬骨咄知必非一物松漠紀聞載契丹重骨咄犀紋如象牙黃色知骨咄乃野牛之名與豹故迥異矣

黃鼠 許有壬上京十詠有黃鼠詩楊允孚灤京雜詠詩註曰黃鼠灤京奇品劉績霏雪錄謂北方黃鼠穴處各有配匹秋時蓄黍菽及草木之實以禦冬各爲小窖別而貯之天氣晴和時出坐穴口見人則供前腋如揖狀卽竄入穴味極肥美元朝恒爲玉食之獻置官守其處人不得擅取也黃鼠之名古來所稱互異宋刁約使契丹爲北語詩曰密賜十貔狸注云形如鼠而大穴居食穀梁嗜肉北朝以爲珍膳味如豚肉而脆宋周密齊東野語引澠水燕談謂契丹國產大鼠曰毗狸形類鼠而足短極肥其國以爲殊味穴地取之以供國王

之膳自公相以下皆不得嘗常以羊乳飼之頃北使嘗攜至京烹以進御本朝使其國者亦皆得食蓋極珍重之此物亦竹狸獾狸之類又宋張浮休使遼錄曰有令邦者以其肉一臠置之食物之鼎則立糜爛是以愛重考宋張舜氏畫墁錄曰南使至北帳前見畢密賜羊羴十枚毘黎邦十頭毘黎邦大鼠也據此則獬貍也令邦也毘黎邦也實是一物譯語有緩急輕重耳明李時珍本草綱目乃稱黃鼠古之謂鼯鼠遼人呼爲獬貍亦名令邦皮可爲裘領然諸書所載黃鼠俱無別名鼯子之說亦無皮可爲裘之事時珍蓋臆說也